



United Nations Educational, Scientific
and Cultural Organization



SAYNIS




2

3

4

5



BUUGGA

2

Hordhac

Buuggan oo ah sayniska fasalka inbaad, waxaa soo dhiyaariyay Xarunta Horumarinta Manaahijta ee Wasaaradda Waxbarashada iyo Biabaarinta, waxaana uu ka mid yahay buuqaqta manhajka cusub ee 1985ka bilaabmay.

Buuggan ujeeddada ugu weyn ee laga laayahay waxa ay tahay in aadayda lagu abuurto xirfado ay degaankooda ku fidsadaan, kuna baadhaan iyo in la siiyo aqoon saynsood oo sahbihiy u noqon karta barashada saynsood ee mustaqbalka

Xasaan-Dahir Obayle
(Agaasimaha Waaxda Horumarinta Manaahijta)

HORDHAC

Buuggaan waxaa soo ururiyay, xarunta soo dubariday dhabaardriska labaad Koxda barashada ee Xafiiska UNESCO u qabilsan tala bixinta waxbarashada


Maajo 1994

SAYNIS

2

Naqtiin "Noole iyo Ma-noole".

Noole iyo Ma-noole





Xayawaanka iyo dhirtu waa noole.
Aqalka, baabuurka iyo baaskiilku waa
ma-noole.

Layli:

1. Sheeg magacyada laba noole oo guri-giinna jooga.
2. Sheeg laba ma-noole oo dugsiga laga helo
3. Dhirta iyo dhagaxda kuwee noole ah, kuweese ma-noole ah?

Nooluhu wax ayaa uu cunaa.





wiilasha, faraska iyo geelu waa noole.

Nooluhu waxa uu u baahan yahay cunto.

Layli:

1. Immisa jeer ayaa aad maalintii wax cuntaa?
2. Cunto la'aan ma noolaan kartaa?
3. Noolaha oo dhammi cunto ma u baahan yahay?

Ma-nooluhu wax ma cuno.




Baaskiilka, kubbadda, baafka iyo buuggu waa ma-noole.

Layli:

1. Ma-nooluhu wax ma cunaa?
2. Ma-nooluhu cunto la'aan ma jiri karaa?
3. Ma-nooluhu cunto ma u baahan yahay?

Nooluhu waa uu tarmaa




Digaagga iyo gallaydu waa noole.

Nooluhu waa uu tarmaa.

Layli:

1. Noolaha dhammaantii ma tarmaa?
2. Noole aan tarmini ma jiraa?
3. Immisa xayawaan ayaa aad aragtay iyaga oo dhalaya?

Ma-nooluhu ma tarmo:




Raadiyaha, qalinka, koobka iyo sariirtu waa ma-noole.

Ma-nooluhu ma tarmo sida noolaha.

Layli:

1. Sheeg magacyada 5 ma-noole oo aan boggan ku sawirrayn?
2. Ma-noole tarma ma jiraa?

Nooluhu waa uu koraa.




Lo'da iyo geeduhu waa noole.

Nooluhu waa uu koraa.

Layli

1. *Noolaha dhammaantii ma koraa?*
2. *Hadda iyo sannadkii hore midkee ayaa aad dheer tahay?*
3. *Nooluhu in uu koray maxaa lagu garan karaa?*

Ma-nooluhu ma koro



Shanjada, baabuurka, furaha iyo kildhigu waa ma-noole.

Ma-nooluhu ma koro sida noolaha.

Layli

1. *Noolaha iyo ma-noolaha midkee ayaa kora?*
2. *Ma-nooluhu wax ma dhalaa?*
3. *Dhagaxda yaryar ma dhagaxda waaweyn ayaa dhalay?*

Nooluhu waa uu dhintaa




Dhirta iyo xayawaanku waa noole.
Nooluhu waa uu dhintaa.

Layli

1. Xayawaan dhintay waligaa ma aragtay?
2. Dhirta marka la jaro ee ay qallasho ma nooshahay mise waa ay dhimatay?
3. Noolaha oo dhammi ma dhintaa?

Ma-nooluhu ma dhinto




Kursiga, baaldiga, dayaaradda iyo markabkuba waa ma-noole.

Ma-nooluhu ma dhinto sida noolaha.

Layli

1. Ma-noole dhintay weligaa ma aragtay?
2. Dhagaxa iyo dadka midkee ayaa dhinta?
3. Ma-nooluhu ma dhintaa sida noolaha?

Nooluhu waa uu neefsadaa




Wiilka iyo geedku waa noole.

Nooluhu waa uu neefsadaa.

Layli

1. *Neefsasho la'aan ma noolaan kartaa?*
2. *Noole aan neefsanini ma jiraa?*
3. *Noolaha oo dhammi in uu neefsado ma u baahan yahay?*

Ma-nooluhu ma neefsado




Sabuuradda, saxanka, ashuunta iyo dhaldadu waa ma-noole.

Ma-nooluhu ma neefsado sida noolaha.

Layli

1. *Neefsasho la'aan ma-nooluhu ma jiri karaa?*
2. *Ma-noole neefsadaa ma jiraa?*
3. *Koobabka iyo shimbiraha kuwee ayaa neefsasho u baahan?*

Faraqa noolaha iyo ma-noolaha




Nooluhu waa uu tarmaa, dhintaa, koraa, neefsadaa waxna waa uu cunaa.

Ma-nooluhu ma tarmo, ma dhinto, ma koro, ma neefsado waxna ma cuno.

Layli

- 1. Sheeg laba waxyaabood oo uu nooluhu kaga duwan yahay ma-noolaha?*
- 2. Sheeg saddex waxyaabood oo aanu ma-nooluhu lahayn?*
- 3. Xoolaha iyo baabuurta midkee ayaa tarma*

*Xayawaan
Dhaqdhaqaaqa xayawaanka*




Xayawaanku waa noole meel ka tegi kara oo meel kale tegi kara.

Xayawaanku siyaabo kala duwan ayaa ay u dhaqdhaqaaqaan.

Layli

- 1. Sheeg siyaabaha kala duwan ee uu xayawaanku u dhaqdhaqaaqo?*
- 2. Sheeg laba xayawaan oo socda?*
- 3. Sheeg Xayawaan dabbasha?*

Xubnaha dhaqdhaqaaqa xayawaanka.




Xayawaannadu xubno kala duwan ayaa ay ku dhaqdhaqaaqaan.

Xubnaha ay ku dhaqdhaqaaqaan waa ay kala duwan yihiin.

Layli

- 1. Xayawaannada aad taqaan sheeg labada ugu lugo badan?*
- 2. Shinnidu immisa lugood ayaa ay leedahay?*
- 3. Diinka iyo duqsiga midkee ayaa lugo badan?*

Xayawaanka socda




Xayawaannada socdaa waxa ay samayn karaan dhaqdhaqaaqyo kale, sida bootin iyo dabbaal.

Layli

- 1. Immisa xayawaan oo socda ayaa taqaan? Sheeg magacyadooda?*
- 2. Geela iyo jeerta midkee ayaa dabbaalan kara?*
- 3. Immisa dhaqdhaqaaq oo kala duwan ayaa aad samayn kartaa?*

Xayawaannada duula.




Xayawaannada duulaa waxa ay samayn karaan dhaqdhaqaaqyo kale, sida socod, dabbaal, iyo boodbood.

Layli

1. *Sheeg shan xayawaan oo duula?*
2. *Xayawaannada duulaa dhaqdhaqaaq kale ma samayn karaa? Tusaale ka bixi.*
3. *Ma taqaan shimbir dabbaalan karta? Sheeg magaceeda.*

Xayawaannada dabbaasha.




Xayawaannada dabbaasha qaarkood waxa ay samayn karaan dhaqdhaqaaqyo kala duwan sida socod, orod iyo boodbood.

Layli

1. *Sheeg shan xayawaan oo dabbaasha?*
2. *Xayawaannadaa immisa ayaa dhaqdhaqaaqyo kala kala samayn karaa?*
3. *Ma taqaan xayawaan dabbaasha oo aan dhaqdhaqaaq kale samayn karin? Sheeg magaciisa.*

Xayawaannada boodbooda.




Xa; waannada boodbooda qaarkood dhaqdhaqaaqyo kale ayaa ay sameeyaan; qaar waa ay dabbaashaan, kuwa kalena waa ay duulaan.

Layli

1. Sheeg saddex xayawaan oo boodbooda marka ay dhaqdhaqaaqayaan,
2. Sheeg laba xayawaan oo boodbooda dhaqdhaqaaq kalena sameeya?
3. Sheeg dhaqdhaqaaqyada kale ee ay samayn karaan?

Naqtiin "Dhaqdhaqaaqa Xayawaanka.




Xayawaannadu dhaq 'haqaaqyo kala duwan ayaa ay sameeyaan. Xayawaannada qaar ayaa hal dhaqdhaqaaq ka badan samayn kara.

Layli

1. Sheeg saddex siyaabood oo ay xayawaannadu u dhaqdhaqaaqaan?
2. Magacow saddex xayawaan oo socda, saddex duula iyo saddex dabbaasha?
3. Magacow xayawaan laba siyaabood oo kala duwan u dhaqdhaqaaqi kara?

*Dhalmada xayawaanka.
Xayawaanka wax u eg dhala.*




Xayawaannada qaarkood ilmo u eg ayaa ay dhalaari.

Xayawaannadaasi ilmahooda waa ay nuujiyaan.

Layli

1. Sheeg afar xayawaan oo ilmo u eg dhala.
2. Xayawaannada ilmaha u eg dhalaa ma nuujiyaan ilmahooda?
3. Dameeraha iyo shimbiraha kuwee ayaa ilmo u eg dhala?

Xayawaanka ukunta dhala.




Xayawaannada qaarkood ukun ayaa ay dhalaan.

Xayawaannadaasi ilmahooda ma nuujiyaan.

Layli

1. Sheeg lix xayawaan oo ukun dhala?
2. Xayawaannada ukunta dhalaa ilmahooda ma nuujiyaan?
3. Bisadda iyo raha midkee ayaa ukun dhala?

Naqtiin "Dhalmada Xayawaanka"



Xayawaanku waa noole, waana uu tarmaa (isdhalaa).

Xayawaanka qaarkii waxa uu dhala ilmoo u eg, kuwana waxa ay dhalaan ukun.

Layli

1. Xayawaanka ukunta dhala iyo kuwa ilmaha u eg dhala kuwee ayaa ilmahooda nuujiya?
2. Magacow saddex xayawaan oo ukun dhala iyo saddex ilmo u eg dhala?
3. Waaqabada iyo qaarada midkee ayaa dhala?

Cuntada xayawaanka Xayawaanka dhirta cuna.




Xayawaanku waxa uu u baahan yahay cunto. Xayawaannada qaarkood waxa ay cunaan dhirta.

Layli

1. Sheeg shan xayawaan oo dhirta keliya cuna?
2. Magacow laba xayawaan oo caleenta iyo midhahaba cuna iyo laba midhaha cuna?
3. Sheeg magar yada laba xayawaan oo dabjoog ah iyo laba duurjoog ah oo dhirta cuna?

Xayawaanka hilibka cuna.




Xayawaannada qaarkood sida libaaxa, waraabaha, dawacada, shabeelka iyo yeydu waxa ay cunaan hilibka.

Layli

1. Sheeg afar xayawaan oo hilibka cuna?
2. Xayawaanadaasi sidee ayaa ay hilibka u helaan?
3. Haramcadka iyo sagaarada midkee ayaa hilibka cuna?

Xayawaanka dhirta iyo hilibka cuna




Xayawaanka ay ka midka yihiin dadka, digaagga iyo jiirku dhirta iyo hilibkaba waa ay cunaan.

Layli

1. Magacow laba xayawaan oo dhirta iyo hilibka cuna.
2. Sheeg laba siyaabood oo dadku cunta-diisa ku helo.
3. Digaagga iyo bakaylaha midkee hilibka iyo dhirtaba cuna.

"Naqtiin" Cuntada xayawaanka




Xayawaannadu waxa ay cunaan waxyaabo kala duwan. Qaarkood waxa ay cunaan dhirta, qaarna waxa ay cunaan hilibka kuwana labadaba waa ay cunaan.

Layli

1. Sheeg afar xayawaan oo dhirta keliya cuna.
2. Sheeg saddex xayawaan oo hilibka keliya cuna.
3. Sheeg saddex xayawaan oo dhirta iyo hilibkaba cuna.

Faa'iidooyinka xayawaanka
Cuntada laga helo xayawaanka.




Xayawaanka waxa aynu ka helnaa cuntooyin kala duwan; sida hilib, caano, subag iyo ukun.

Layli

1. Sheeg lix xayawaan oo aynu hilib ka helno.
2. Sheeg saddex xayawaan oo hilib iyo caano laga helo.
3. Cuntooyinkee ayaa aynu digaagga iyo kalluunka ka helnaa?

Qalabka laga helo xayawaanka




Xayawaanka waxa aynu ka helnaa qalab kala duwan sida kabo, suuman, shandado, sibraarro iyo gambarro.

Layli

1. *Magacow saddex ka mid ah qalabka xayawaanka laga helo.*
2. *Magacow afar xayawaan oo ka mid ah xayawaannada laga helo haragga qalabka laga samaysto.*
3. *Kalluunka iyo biciidka midkee ayaa laga helaa harag?*

Adeegsiga xayawaanka




Xayawaannada waxa loo adeegsadaa siyaabo kala duwan. Qaarkood waa la rartaa, qaarna waa la fuulaa, kuwa beeraha ayaa lagu qotaa, kuwana waa la dhaansadaa.

Layli

1. *Magacow saddex xayawaan oo la rarto.*
2. *Xayawaannada la rarto siyaabo kala ma loo adeegsan karaa?*
3. *Dibida iyo orgida midkee ayaa beeraha lagu qotaa?*

"Naqtiin" Faa'iidooyinka xayawaan ka



Xayawaanka waxa aynnu ka helnaa faa'iidooyin fara badan; sida cuntooyin kala duwan, rarasho, fuulid iyo in beeraha lagu qoto.

Layli

1. Sheeg saddex faa'iido oo uu xayawaanku innoo leeyahay.
2. Geela immisa siyaabood oo kala duwan ayaa loo adeegsadaa?
3. Sheeg afar waxyaabood oo aynnu adhiga ka helno.

Waxyeellada xayawaanka
Xayawaanka dadka waxyeela




Xayawaannada qaarkood waxyeello ayaa ay dadka u leeyihiin. Qaarkood waa ay qaniinaan, kuwo waa ay cunaan, kuwana cudurro ayaa ay u keenaan.

Layli

1. Magacow laba xayawaan oo dadka cuna.
2. Sheeg saddex xayawaan oo dadka qaniina.
3. Shinnida iyo kanecada midkee ayaa dadka cudur u keena?

Xayawaanka dalagga cuna



Xayawaannada qaarkood sida dayeerka, doofaarka iyo shimbirihu waxyeello ayaa ay u geystaan beeraha.

Layli

1. Magacow saddex xayawaan oo beeraha waxyeela.
2. Dabaggaaluhu beeraha wax ma yeelaa?
3. Qoolleyda iyo tukaha midkee ayaa beeraha cuna?

Xayawaanka dalagga iyo dadka waxyeela




Xayawaanka ay ka mid yihiin jeerta, maroodiga iyo kashiitadu (dhiddadu) dadka iyo beeraha dhibaato ayaa ay u geystaan.

Layli

1. Magacow laba xayawaan oo dadka iyo beeraha waxyeela.
2. Maroodiga iyo sagaarada midkee ayaa dadka iyo beeraha waxyeela?
3. Wax ka sheeg sida ay kashiitadu (dhiddadu) dadka iyo beeraha wax u yeesho.

Naqtin "Waxyellada xayawaanka"




Xayawaannada qaarkood beeraha ayaa ay cunaan, qaarna dadka ayaa ay waxyeeleaan, kuwana labadaba dhibaato ayaa ay u geystaan.

Layli

1. Yaxaaska iyo diirta midkee ayaa dadka cuna.
2. Magacow laba shimbirood oo beeraha cuna, midkeese dalagga cuna?
3. Libaaxa, daayerka iyo jeerta midkee ayaa dadka iyo beeraha waxyeeleaa?

Deegaanka xayawaanka
Dabjoog




Xayawaannada dabjoogta ahi waxa ay u kala baxaan xoolo sida geela iyo lo'da iyo xayawaanno kale sida bisadaha iyo eyda.

Layli

1. Sheeg afar xayawaan oo dabjoog ah?
2. Dabjoogta oo dhammi ma xoolaa?
3. Bisadaha iyo waxaraha midkee ayaa xoolo ah?

Duurjoog




Xayawaannada duurjoogta ahi waxa ay u kala baxaan dugaag sida dawacada iyo waraabaha iyo ugaadh sida gorayada iyo biciidka.

Layli

1. Magacow shan xayawaan oo duurjoog ah.
2. Duurjoogta oo dhammi ma dugaag baa?
3. Haramcadka iyo goodirka midkee ayaa ugaadh ah?

Naqtiin "Deegaanka xayawaanka"




Xayawaannada qaarkood sida xoolaha, eyda iyo bisaduhu waa dabjoog.

Xayawaannada qaarna sida ugaadha iyo dugaaggu waa duurjoog.

Layli

1. Magacow saddex xayawaan oo dugaag ah iyo saddex xayawaan oo ugaadh ah.
2. Xayawaannada ay ka mid yihiin riyaha, digaagga, dawacada, fardaha iyo waraabaha kuwee ayaa dabjoog ah?
3. Saca iyo eyda midkee xoolo ah?

JIDHKA XAYAWAANKA
Jidhka lo'da




Jidhka lo'du waxa uu ka kooban yahay lugo, dhabar, tuur, calool, qoor, madax iyo dabo.

Layli

1. *Magacow xubnaha jidhka lo'da.*
2. *Geesuhu maxaa ay lo'da u taraan?*
3. *Immisa lugood ayaa ay lo'du leedahay?*

Jidhka shimbiraha



Jidhka shimbiruhu waxa uu ka kooban yahay lugo, madax, qoor, baalal, calool, sakaar iyo dabo.

Layli

1. *Magacow xubnaha jidhka shimbiraha.*
2. *Baalalku maxaa ay shimbiraha u leeyihiin?*
3. *Immisa lugood ayaa ay shimbiruhu taraan?*

Jidhka dadka



Jidhka dadku waxa uu ka kooban yahay madax, qoor, laab, gacmo, dhabar, calool iyo lugo.

Layli

- 1. Magacow afar xubnood oo jidhkaaga ka mid ah.*
- 2. Madaxa iyo laabta xubintee ayaa u dhaxaysa?*
- 3. Dhabarka iyo laabta mid kee ayaa xagga hore ku yaal?*

Madaxa




Madaxa dadka waxa ku yaal af, san, laba indhood, laba dhegood iyo timo.

Layli

- 1. Tiri xubnaha madaxaaga ku yaalla.*
- 2. Dadka oo dhammi ma leeyahay xubnahaas?*
- 3. Indhaha iyo gacmaha kuwee ayaa madaxa ku yaal?*

Afka



Waxa aan leeyahay af.

Afkayga waxa ku yaal debno, ilko iyo carrab.

Afka wax ayaa aan ku cunaa waana aan ku hadlaa.

Layli

1. Halkee ayaa afku jidhka kaga yaallaa?
2. Immisa xubnood ayaa afka ku yaal?
3. Maxaa uu taraa afku?

Sanka



Waxa aan leeyahay san.

Sanka ayaa aan wax ku uriyaa kana neefsadaa.

Sankayga masar ayaa aan ku nadiifiyaa.

Layli

1. Halkee ayaa sanku jidhka kaga yaal.
2. Maxaa uu sanku taraa?
3. Gacanta iyo masarka midkee ayaa sanku lagu nadiifiyaa?

Indhaha



Waxa aan leeyahay laba indhood oo aan wax ku arko.



Indha la'aan waxba ma arki karo.



Marka ay indhuhu i xanuunaan, waxa aan u tagaa takhtarka.

Layli

1. Halkee ayaa ay indhuhu jidhka kaga yaalliin?
2. Indha la'aantu maxaa ay dhibaato leedahay?
3. Marka ay indhuhu ku xanuunaan, halkee ayaa la tagaa?

Dhegaha



Waxa aan leeyahay laba dhegood.



Dhegaha ayaa aan wax ku maqlaa.



Dhegaha waxa aan ku nadiifiyaa walax jilicsan.



Marka dheguhu i xanuunaan waxa aan u tagaa takhtar.

Layli

1. Halkee ayaa ay dheguhu jidhka kaga yaalliin?
2. Maxaa ay dheguhu innoo taraan?
3. Walxaha adag iyo kuwa jilicsan midkee dhegaha lagu nadiifiyaa?

Timaha



Waxa aan leeyahay timo qurxoon.



Timuhu waxa ay iga celiyaan kulka iyo qabowga.



Timahayga waxa aan ku nadiifiyaa biyo iyo saabuun.




Timahayga wax aan ku feedhaa saqaf.

Layli

1. Halkee ayaa ay timuhu jidhka kaga yaalliin?
2. Sheeg laba faa'iido oo ay timuhu innoo taraan.
3. Sidee ayaa timaha loo daryeelaa?

Gacmaha.



Waxa aan leeyahay laba gacmood.



Gacmaha ayaa aan wax ku qaadaa.



Gacmaha waa aan dhaqdaa.



Ciddiyaha waa aan iska jaraa.

Layli

1. Sheeg laba faa'iido oo ay gacmuhu innoo taraan
2. Wax ka sheeg siyaabaha gacmaha loo daryeelo.
3. Immisa ciddiyadood ayaa gacma-haaga ku yaal?

Lugaha.



Waxa aan leeyahay
laba lugood oo
aan ku socdo.



Kabo la'aan lama
socdo weligaa.



Lugaha waa
la dhaqaa.



Ciddiyaha lugaha
waa la iska jaraa.

Layli

1. Immisa farood ayaa lugaha dadka ku yaal?
2. Maxaa ay luguhu innoo taraan?
3. Wax ka sheeg siyaabaha lugaha loo daryeelo?

Dhirta
Dhirtu waa noole.



dhirtu waa noole. Dhirtu iskeed uma socon karto sida xayawaanku u socdo.

Layli

1. Dhirtu ma nooshahay mise waa ma-noole?
2. Dhirtu ma socon kartaa sida xayawaanka?
3. Sheeg saddex ka mid ah astaamaha noolaha oo ay leedahay dhirtu.

Qaybaha geedka.




Geedku waxa uu ka kooban yahay xidid, jirrid, caleen, ubax iyo midho.

Layli

1. Sheeg qaybaha geedku ka kooban yahay.
2. Sheeg qaybta u dhaxaysa xididka iyo caleenta.
3. Maxaa loo yaqaan qaybta geedka ugu hooseysa?

xididdada




Xididdadu waa qaybta geedka ugu hooseysa badanaa dhulka ayaa ay ku aasan yihiin.

Xididdada qaarkood waa la cunaa qaarna lama cuno.

Layli

1. Halkee ayaa uu xididku geedka kaga yaal?
2. Xididdada dhirtu ma isku wada mid baa mise waa ay kala duwan yihiin?
3. Sheeg laba geed oo xididdadooda la cuno iyo laba aan la cunin.


Jirrida.



Jirrida geedku waa qaybta ka sarraysa xididka. Jirridaha qaarkood kor ayaa ay u baxaan, kuwana dhulka ayaa ay raacaan.

1. Halkee ayaa ay jirridu geedka kaga taal?
2. Sheeg laba geed oo jiriddoodu kor u baxdo iyo laba ay dhulka raacdo.
3. Sheeg laba geed oo jiriddooda dadku cuno.

Caleenta.




Caleentu waa qaybta cagaaran ee geedka waxa ayna geedka kaga taal jirrida ama laamaha.

Caleemaha qaarkood waa la cunaa kuwana lama cuno.

Layli

1. Halkee ayaa ay caleemuhu geedka kaga yaalliin?
2. Waa maxay midabka ay caleemuhu ugu badan yihiin?
3. Sheeg laba geed oo caleentooda dadku cuno iyo laba aanu cunin.

Ubax.




Dhirtu waxa ay bixiyaan ubaxvo ku kala duwan xagga midabka iyo qaabka. Ubaxyada qaar waa casaan, kuwo waa hurdi, kuwo waa cagaar kuwo kalena waa caddaan.

Layli

1. Xaggee ubaxu geedka kaga yaallaa?
2. Sheeg ubaxyada aad taqaanno midabbadooda?
3. Sheeg saddex geed oo ubax leh oo aan ahayn kuwa halkan ka muuqda.

Midho




Dhirta qaarkeed waxa ay bixisaa midho. Midhaha qaarkood waa la cunaa, qaarna lama cuno.

Layli

1. Sheeg saddex geed oo midho bixiya.
2. Magacow laba geed oo midhahooda la cuno iyo laba aan midhahooda la cunin.
3. Halkee ayaa ay midhuhu geedka kaga yaalliin?

Xabuub




Dhirta qaarkeed sida galleyda, sarreenka iyo digirtu waxa ay bixiyaan xabuub. Xabuubta dhirtu waxa ay ku kala duwan tahay xagga midabka, baaxadda iyo qaabka.

Layli

1. Magacow saddex geed oo xabuub bixiya.
2. Halkee ayaa uu sabuulku kaga yaal galleyda iyo meseggada?
3. Maxaa ay ku kala duwan yihiin xabuubta digirta iyo kuwa meseggada?

Naqtiin "Qaybaha geedka".



Xubnaha dhirtu ka kooban tahay waa xidid, jirrid, caleen ubax iyo midho ama xabuub.

Layli

1. Sheeg qaybaha uu geedku ka kooban yahay iyo mid walba halka ay kaga taal.
2. Ma taqaan saddex geed oo midhooda la cuno?
3. Cambaha iyo meseggada midkee ayaa xabuub dhala?

*Xannaanada dhirta
Nafaqaynta dhirta.*



*Dhirtu waxa ay u baahan tahay biyo fiican
iyo in carrada loo jilciyo si ay u baxdo.
Layli*

- 1. Dhirtu biyo la'aan ma bixi kartaa?*
- 2. Carrada adag iyo tan la jilciyey middee dhirtu hagaag uga baxdaa?*
- 3. Inta aan dhulka wax lagu beerin maxaa lagu sameeyaa?*

Daaweynta dhirta.




Dhirta sida xayawaanka ayaa cudurro ku dhacaan.

*Dhirtu waxa ay u baahan tahay daaweyn.
Layli*

- 1. Dhirta cudurro ma ku dhacaan?*
- 2. Dhirtu daaweyn ma u baahan tahay?*
- 3. Sidee dhirta cudurrada looga daweeeyaa?*

Jaridda iyo gubidda dhirta




Dhirtu waxa ay u baahan tahay daryeel, sidaa darteed waa in laga ilaaliyaa goynta iyo gubidda.

Layli

1. Sheeg laba siyaabood oo dhirta wax loo yeelo?
2. In la gubaa dhirta ma habboon tahay?
3. In la jaro iyo in la beero dhirta midkee habboon?

Naqtiin "Xannaanada dhirta".





Dhirtu sida xayawaanka waxa ay u baahan tahay xannaano, la'aanteedna waa ay baaba'daa.

Layli

1. Dhirtu ma u baahan tahay daryeel?
2. In la gubo iyo in la waraabiyo dhirta midkee habboon?
3. Wax ka sheeg siyaabaha dhirta loo xannaaneeyo.





Waxtarka dhirta
Dhirta cuntaa laga helaa.



Cuntada aynnu cunno badankeeda waxa aynnu ka helnaa dhirta ay ka mid yihiin gallayda, meseggada, digirta iyo sarreenka
Layli

1. Magacow saddex geed oo cunto laga helo.
2. Dhirta oo dhan dadku cunto ma ka helaa?
3. Immisa cunto oo kala duwan ayaa galleyda laga sama, jtaa?

Dhirta qalab ayaa laga samaystaa.




Dhirta waxa laga samaystaa qalab kala duwan sida kuraas, miisas, sariiro, ulo, xeedhooyin iyo fandhaallo.

Layli

1. Magacow saddex walxood oo dhir laga sameeyey.
2. Immisa walxood oo dhir laga sameeyey ayaa dugsiga laga helaa?
3. Darmooyinka ma dhirta ayaa laga sameeyaa?

Dhirta wax ayaa laga dhistaa.





Dhirta waxa aynnu ka dhisannaa aqallo kala duwan. Mudullada, carshaanta, baraakooyinka iyo aqal soomaaliga waxa laga dhisaa dhirta.

Layli

1. Magacow guryaha dhirta laga dhisay ee degmadiina ku yaal?
2. Albaabka aqalkiinu maxaa uu ka samaysan yahay?
3. Looxaanta wax lagu dhisto halkee ayaa laga helaa?

Dhirta waxa aynnu ka helnaa dhar.




Dharka aan xidhanno waxa laga sameeyaa dun.

dunta waxa laga helaa dhirta uu ka mid yahay cudbigu.

Layli

1. Surwaalkaagu maxaa uu ka samaysan yahay?
2. Dunta wax lagu tosho halkee laga helaa?
3. Magacow hal geed oo aynnu dun ka helno.

Dhirta waa la hadhsadaa.




Waxtarka dhirtu inoo leedahay waxaa ka mid ah in aynnu hadhsanno waqtiyada kulaylaha ah.

Layli

1. Magacow saddex geed oo la hadhsado.
2. Xooluhu ma hadhsadaan dhirta sida dadka?
3. Waqtigee ayaa dhirta la hadhsadaa?

Dhirta qurux ayaa loo beertaa.





Dhirta qaarkeed waxa loo beertaa qurux. Dhirtaas waxa lagu beeraa guryaha, beeraha nasashada iyo jidadka waaweyn.

Layli

1. Magaaladiinnu ma leedahay dhirta qurux loo beertay?
2. Halkee ayaa ay ku taal dhirtaasi?
3. Meesha dhirta leh, iyo meesha aan lahayn midkee ayaa qurxoon?

Naqtiin "Waxtarka dhirta"




Dhirta waxa aynnu ka helnaa cunto, dhar, qalab, hadh, qurux, waxna waa aynu ka dhisannaa.

Layli

1. Sheeg laba faa'iido oo ay dhirtu inoo leedahay?
2. Magacow saddex qalab oo aynnu dhirta ka samaysano.
3. Tiri cuntooyinka dhirta laga helo ee aad taqaanno.

Waxyeellada dhirta




Waxyeellada dhirta
Dhirta sunta leh.

Dhirta qaarkeed waxa ay leedahay sun. Dhirtaa dadku ma cuno midhaheeda, cal-eenteeda iyo xabagteeda midna.

Layli

1. Ma taqaan geed sun leh? Sheeg magaciisa.
2. Dhirta sunta leh dadku ma cunaa?
3. Sheeg laba geed oo aan sun lahayn oo la cuno.

Dhirta mukhaadaraadka ah.




Dhirta mukhaadaraadka ah waxa ka mid ah buuriga oo sigaarka laga sameeyo. Sigaarku dhibaato ayaa uu u geystaa caafimaadka qofka.

Layli

1. *Immisa geed oo mukhaadaraad ah ayaa taqaan? Magocow.*
2. *Sigaarka in la cabbaa ma fiican tahay?*
3. *Cunidda qaadku dhibaato ma leedahay? Sharax.*

Dhirta qodaxda leh.




Dhirta qodaxda lihi waxa ay dadka u geystaan dhibaato. Dhirtaa waxa ka mid ah tiinka, qudhaca iyo cadaadda.

Layli

1. *Dhirta qodaxda lihi sidee ayaa ay dadka dhibaato ugu geystaan?*
2. *Sheeg saddex geed oo qodax leh oo aan ahayn kuwa kor ku qoran.*
3. *Weligaa qodaxi ma ku mudday. Maxaa aad dareentay?*

Naqtiin "Waxyellada dhirta".






Dhirta qaarkeed sida qaadka iyo tubaakadu waxa ay u daran yihiin caafimaadka qofka, qaar kalena waa sun sida dhunkaasha, kuwana waxa ay leeyihiin qodax.

Layli

1. Sheeg laba waxyello oo ay dhirtu innoo leedahay?
2. Qaadka iyo tubaakadu maxaa ay waxyello ama dhibaato leeyihiin?
3. Dhirta qodaxda lihina dhibaato ma inoo leeyihiin? Wax ka sheeg.

Cuntada
Cuntada dadka.




Dadku waxa uu u baahan yahay cuntooyin kala duwan. Cuntada waxa ay ka kooban tahay calalis sida soorta iyo cabbid sida caanaha.

Layli

1. Magacow afar cunto oo degmadiinna laga cuno.
2. Caanuhu ma cuntaa?
3. Sheeg laba cunto oo calalis ah iyo laba cabbid ah.

Ilaha cuntada.




Cuntooyinka qaarkood sida hilibka, ukunta iyo caanaha waxa aynnu ka helnaa xayawaanka, qaar kalena sida bariiska waxa aynnu ka helnaa dhirta.

Layli

1. Magacow afar cunto oo aynu xayawaanka ka helno.
2. Tiri cuntooyinka dhirta laga helo ee aad cuntid.
3. Ukunta iyo canjeerada midkee ayaa xayawaanka laga helaa?

Cuntooyinka la karsho.






Cuntooyinka qaarkood sida hilibka, digirta iyo soorta waa la kariyaa. Karintu cuntada waa ay bislaysaa, macaanaysaa, cudurradana waa ay ka dishaa.

Layli

1. Tiri cuntooyinka la kariyo ee aad cunto.
2. Midkee ayaa macaan hilibka karsan iyo midka cayriin?
3. Hilibka aan la karin waxyeello ma leeyahay? Sharax.

Cuntooyinka aan la karin.





Cuntooyinka qaarkood sida mooska, liinta, cambaha, babayga iyo qaruhu uma baahna in la kariyo ee sidooda ayaa loo cunaa marka la dhaqo.

Layli

1. *Immisa cunto oo aan la karin ayaa guri-giinna laga cunaa?*
2. *Sheeg saddex cunto oo kale oo aan u baahnayn in la kariyo.*
3. *Hilibka iyo mooska midkee ayaa la cuni karaa isaga oo aan la karin?*

Waxtarka cuntada.



Cuntadu waxtar kala duwan ayaa ay innoo leedahay. Cuntada jidhkeenna ayaa ku kora, cudurradana waa ay innaga ilaalisaa, waxnawaaan ku qabsannaa.

Layli

1. *Sheeg saddex faa'iido oo ay cuntadu innoo leedahay?*
2. *Cunto la'aan ma noolaan kartaa?*
3. *Qofka wax cuna iyo qofka aan waxba cunin midkee hawl qabsan kara?*

"Naqtiin" Cuntada.




Dadku waxa uu u baahan yahay cuntooyin kala duwan in uu cuno. Cuntooyinkaasi qaar waxa laga helaa xayawaanka, qaarna dhirta.

Layli

1. *Sheeg laba cunto oo laga helo xayawaanka iyo laba laga helo dhirta.*
2. *Babayga iyo digirta midkee ayaa karin u baahan?*
3. *Sheeg laba dhibaato oo ay leedahay cunto la'aantu?*

**Maatar
Kala duwanaanta maatarka.**






Agagaarkeenna waxa laga helaa maatar kala duwan. Maatarku waxa uu ka kooban yahay noole iyo ma-noole.

Layli

1. *Sheeg afar maatar oo fasalka kaaga muuqda.*
2. *Maatarka oo dhammi ma-noolaa?*
3. *Sheeg laba maatar oo noole ah iyo laba ma-noole ah.*

Dhalaalinta adkaha.







Adkayaasha qaakood sida shamaca, burcadda, barafka iyo xaydhu sahal ayaa ay u dhalaalaan marka la kululeeyo, qarkoodna ma dhalaalaan sida qoryaha iyo waraaqaha.

Layli

1. Adkaha dhammaantiis ma dhalaalaa marka dab la saaro?
2. Sheeg saddex adke oo dhalaala marka dabka la saaro.
3. Burcadda iyo dhuxusha midkee ayaa dhalaala marka dabka la saaro?

Gubashada adkaha.






Adkayaasha qaarkood sida dhirta iyo waraaquhu marka la gubo waxa ay noqdaan dambas, qaarkoodna ma noqdaan dambas sida carrada iyo barafka.

Layli

1. Immisa adke oo dambas noqda marka la gubo ayaa aad taqaan?
2. Adkayaasha oo dhammi ma dambas ayaa ay noqdaan marka la gubo?
3. Waraaqaha iyo barafka midkee ayaa dambas noqda marka la gubo?

Hoor.



Caanaha, biyaha, saliidda, alkoolada iyo cadarku waa hoor. Hoorarka qaarkood waxa laga garan karaa urtooda.


Layli

1. Magacow afar hoor oo gurigiinna laga helo.
2. Sheeg laba hoor oo urtooda lagu garan karo.
3. Biyaha iyo gaaska midkee ayaa leh ur lagu garan karo?

Kala duwanaanta hoorarka.




Biyaha, caanaha iyo saliiddu ma ku kala duwan yihiin taabashada?



Biyaha, caanaha iyo saliidda kee ayaa ugu hor qallalaya, keebaase ugu dambaynaya?

Hoor,	midab	taab-asho	qallalid	shubid.
biyo,				
caano,				
saliid,				

Hoorarka gubta.




Layli

Hoorarkan kuwee ayaa gubta?

Hoorarka gubta kuwee ayaa ugu olol cad?

Walax	Gubta	Ugu olol cad
Biyo		
saliid		
Caano		
Gaas		

Faraqa adkaha iyo hoorka.




Adkaha iyo hoorku maxaa ay ku kala duwan yihiin?

Layli

1. Biyaha bakeeriga ku jira haddii quraarad lagu shubo qaabkoodu ma isbeddelayaa?
2. Miiska haddii meel kala la geeyo qaabkiisu ma isbeddelayaa?
3. Dhagaxu keligii ma istaagi karaa?
4. Caanuhu haddii aan weel lagu shubin keligood ma istaagi karaan?

Naqtiin "Wajiyada maatarka".




Maxaa ay ku kala duwan yihiin?

Layli

Walax,	Ugu adag,	Qaab go'an,	Keligii istaagi karo,	Gacanta lagu qab an karo
Adke,				
Hocr,				
Neef.				

Culayska.




Walxahan kee ayaa ugu culus, kee baase ugu fudud?

Layli

Walax,	Ugu culus,	Ugu fudud,
Bir,		
Qori,		
Dhagax,		
qalin,		

Qaadka weelasha.




Walxahan kee ayaa ugu qaad weyn?

Layli

1. Weelashan midkee ayaa ugu qaad weyn?
2. Maxaa aad ku garanaysaa ka ugu qaad yar?
3. Tabtee ugu wanaagsan ee aad ku kala garan kartaa qaadka weelka labaad iyo weelka afraad?

Dhererka walxaha.





Sidee ayaa laba walxood midka dheer loo soo saari karaa?

Layli

Walax	Dhererka walaxda			
	Suxul	Taako	Far	Xubn-ood
Miis				
Kursi				
Fasalka				

Siyaabaha loo dhaansado.




Sidee ayaa aynnu ku helnaa biyaha aynnu aqalladeenna ku isticmaalno?

Layli

1. *Magacow saddex siyaabood oo biyaha loo dhaansado.*
2. *Immisa xayawaan ayaa biyaha lagu dhaansadaa degmadiinna?*
3. *Sheeg qalabka biyaha lagaga dhaansado degmadiinna?*

Noolaha biyaha ku nool.




*Nafley fara badan ayaa laga helaa biyaha dhexdooda.
Maxaa ka mid ah?*

Layli

1. *Magacow saddex xayawaan oo biyaha ku nool.*
2. *Dhirtu biyaha ma ka dhex bixi kartaa? Magacow.*
3. *Xayawaannada iyo dhirtaasi biyo la'aan ma noolaan karaan?*

Dabbaasha biyaha.




Dabbaashu waa ay fiican tahay.
Biyahaa ayaa ku habboon in lagu dabbaasho?

Layli

1. Biyaha fadhiya ee wasakhda leh in lagu dabbaasho ma fiican tahay?
2. Adiga oo aan dabbaasha aqoon, haddii aad meel gun dheer ku dhacdo maxaa ku helaya?
3. Magacow saddex meelood oo lagu dabbaalan karo.

Naqtiin "Deegaanka biyaha"




Biyaha aynnu u baahan nahay waxa aynnu ka helnaa deegaankeenna. Wax dhibaato ah ma innoo leeyihiin biyuhu?

Layli

1. Si kooban u sharax sida aynnu ku helno biyaha aan isticmaalno.
2. Sheeg laba xayawaan oo dadka waxyeela oo biyaha laga helo.
3. Weligaa kaneece ma ku qaniintay? Halkee ayaa laga helaa kaneeecada?

Noolaha iyo biyaha




Dhirta iyo xayawaanku biyo la'aan ma noolaan karaan?

Layli

1. *Haddii ay dhirta iyo xayawaanku biyo waayaan maxaa ku dhacaya?*
2. *Xaggee ayaa ay dhirtu biyaha ka heshaa?*
3. *Sheeg saddex meelood oo ay xayawaanku biyaha ka helaan.*

Biyaha waa aan isku nadiifinnaa.



Sidee ayaa aynnu biyaha jirkeenna ugu nadiifinnaa?

Layli

1. *Maxaa aynnu jirkeenna ku nadiifinnaa?*
2. *Sheeg saddex siyood oo aynnu biyaha jirkeenna ugu nadiifinno.*
3. *Haddii aynnu biyo wayno maxaa jirkeenna ku dhacaya?*

Biyaha waxbaa lagu dhaqdaa.



Biyuhu lagama maarmaan ayaa ay u yihiin nadaafadda.

Immisa siyaabood ayaa aynnu biyaha dharka iyo maacuunta ugu nadiifsannaa? Layli

- 1. Midkee ayaa habboon in wax lagu cuno weel nadiif ah iyo mid wasakh ah? Sheeg sababta.*
- 2. Maxaa aynnu maacuunka ku nadiifsanaa?*
- 3. Si dharku nadiif u noqdo maxaa lagu sameeyaa?*

Biyaha waxbaa lagu karsadaa.





Waxa aynnu u baahan nahay cunto bisil in aynnu cunno.

Cuntooyinkee ayaa u baahan in biyo lagu kariyo?

<i>Cunto</i>	<i>biyo ayaa lagu kariyaa.</i>
<i>Bariis,</i>	✓
<i>Liin,</i>	X
<i>Digir,</i>	
<i>Baasto,</i>	
<i>Babay,</i>	
<i>Hilib,</i>	
<i>Carbe.</i>	

Biyaha waa lagu safraa.



Biyuhu kaalin weyn ayaa ay ka qaataan socdaalka.



Maraakiibta iyo doonyuhu halkee ayaa ay maraan?

Layli

1. *Badaha iyo webiyada ma laga tallaabi karaa?*
2. *Maxaa lagaga tallaabaa?*
3. *Maraakiibta iyo doonyuhu biyo la'aan ma socon karaan?*

Naqtiin guud

Sawirradan mid walba maxaa muujinayaa?



Wasakhowga biyaha.




Dadku waxa uu u baahan yahay in uu helo biyo nadiif ah. Biyaha wasakhda lihi ma ku habboon yihiin in la cabbo?

Layli

1. Sheeg saddex siyaabood oo ay biyuhu u wasakhoobaan.
2. Ceelasha laga cabbo sidee ayaa wasakhda looga ilaalin karaa?
3. Meelaha laga cabbo sida barkadaha in lagu dhex qubaystaa ma habboon tahay?

Milanka biyaha.




Walxaha qaar biyaha ayaa ay ku milmaan, kuwana kuma milmaan
Walxahan kuwee biyaha ku milma kuweese aan ku milmin?

Layli

Walax,	Biyaha ku milma,	Biyaha aan ku milmin.
Cusbo,		
Dhagax,		
Bir,		
Sonkor,		
Bariis,		
Taydh (Oomo).		

Waxyaabaha aynnu biyaha ka helno.




Waxyaabo badan ayaa aynnu badda ka helnaa.

Maxaa ka mid ah waxyaabahaas?

Layli

- 1. Kalluunka xaggee ayaa aynnu ka helnaa?*
- 2. Sheeg hal xayawaan oo aynnu badda ka helno oo qurxin loo isticmaalo.*
- 3. Cusbada aynnu cuntada ku darsanno halkee ayaa laga helaa?*

Naqtiin "Biyaha".




Biyuhu kaalin weyn ayaa ay kaga jiraan nolosheenna.

Sidee ayaa aynnu biyo nadiif ah ku heli karnaa?

Layli

- 1. Sheeg afar faa'iido oo ay biyuhu innoo leeyihiin.*
- 2. Ma habboon tahay in biyaha webiyada iyo balliyada sidooda loo cabbaa?*
- 3. Sheeg laba siyaabood oo biyaha wasakhda looga ilaalin karo.*

*Hawada
Maxaa jiritaanka hawada
lagu garan karaa?*




*Hawada ma aragno ee waa aynnu
dareennaa.
Sidee ayaa aynnu ku garan karnaa jirit-
aanka hawada?*

Layli

1. Maro qoyan haddii meel aan qorrax
lahayn lagu wadho ma qallalaysaa?
Maxaa qallajiyey?
2. Gacantaada haddii aad afuufto maxaa
aad dareemaysaa?
3. Sheeg laba siyaabood oo lagu muujin
karo jiritaanka hawada?

Hawada meel walba waa laga helaa.



*Hawada meel walba waa laga helaa.
Sidee ayaa loo hubin karaa?*

Layli

1. Maxaa inna tusi kara in ay hawo innagu
wareegsan tahay?
2. Hawada aynnu neefsanno halkee ayaa
aynu ka helnaa?
3. Koob af bannaan haddii aad foorariso
maxaa ku jiri kara?

Xoogga hawada.




Sidee ayaa loo hubin karaa in ay hawadu xoog leedahay?

Layli

1. Sheeg wax ku tusin kara in ay hawadu xoog leedahay.
2. Marka aad dhinaca hawada ka manayso u ordayso maxaa aad dareenta? Sheeg sababta.
3. Marka aad dhinaca hawadu ka imanayso u ordayso iyo marka aad ka soo ordayso markee ayaa aad dheeraysaa? Sheeg sababta.

Hawadu wax ma dhaqaajin kartaa?




Hawada ma aragno ee waxa ay samayso ayaa aynnu aragnaa. Hawadu wax ma dhaqaajin kartaa?

Layli

Walxahan kuwee ayaa ay hawadu dhaqaajin kartaa?

Walax,	Dhaqaajin kartaa,	Ma dhaqaajin
Caleenta geedaha,		
Dhagax		
Waraaqo yaryar,		
Guri,		
Dambas.		

Dabaysha.





Hawada socodkeedu aad u badan yahay maxaa loo yaqaan?

Layli

1. Sheeg laba walxood oo lagu garan karo in ay dabayli jirto.
2. Magacow laba walxood oo aan lagu garan karin in ay dabayli jirto iyo in kale.

Naqtiin "Hawo".



Hawada meel kasta miyaa laga helaa?

Layli

1. Hawada xaggee laga helaa?
2. Fasalka aad ku jirto haddii daaqaadaha iyo albaabka laga xidho hawo ma ku jirtaa?
3. Sheeg laba siyaabood oo lagu garan karo in ay hawo jirto.

Hawada waa la neefsadaa.



Hawadu iagama maarmaan ayaa ay u tahay noolaha.



Intee ayaa aad joogi kartaa neefsi la'aan?

Layli

Walxahan kuwee ayaa hawo la'aan jiri kara?

<i>Walax.</i>	<i>Hawo uma-baahna.</i>	<i>Hawo u baahan.</i>
<i>Sac,</i>		
<i>Buug,</i>		
<i>Kursi,</i>		
<i>Geed,</i>		
<i>Qof,</i>		
<i>Koob,</i>		
<i>Shimbir.</i>		

Hawa la'aan lama duuli karo.




Walxo kala duwan ayaa duula. Hawo la'aan ma duuli karaan walxahaasi?

Layli

Waxlahan kuwee ayaa hawada ku duula?

<i>Walax,</i>	<i>Hawada ku duula,</i>	<i>Hawadakumaduulo</i>
<i>Dayaarad</i>		
<i>Shinni</i>		
<i>Baabuur</i>		
<i>Kaneeco</i>		
<i>Aqal</i>		
<i>Tuke</i>		
<i>Gorayo.</i>		

Hawo la'aan dabku ma baxo.




Dabku lagama maarmaan ayaa uu yahay nolosha.

Hawo la'aan dab ma heli karnaa?

Layli

1. *Dabka marka la hurinayo halkee ayaa la dhigaa?
Waa maxay sababta?*
2. *Dabka meel dugsi ah la dhigo iyo dabka meel bannaan la dhigo kee ayaa dhaqso u baxaya?*
3. *Marka la rabo in dabku dhaqso u baxo maxaa lagu sameeyaa?*

Adeegsiga hawada.




Hawadu waxa ay leedahay xoog. Xoogga hawada ma la adeegsan karaa?

Layli

Walxahan kuwee ayaa hawo ku shaqeeya?

<i>Walax,</i>	<i>Kushaqeeyahawo,</i>	<i>Kumashaqeeyohawo</i>
<i>Dooni shiraac leh,</i>		
<i>Baaskiil</i>		
<i>Abbitey</i>		
<i>Mooto,</i>		
<i>Ceelasha qaarkood.</i>		

Naqtiin "Waxtarka hawada".



Hawadu nolosheenna lagama maarmaan ayaa ay u tahay. Immisa siyaabood ayaa ay hawadu wax innoogu tartaa?


Layli

Erayadan mid walba meesha ku habboon ku buuxi.

naafsadaa, duulaan, shidmo.

1. Xayawaanku hawada waa uu _____
2. Shimbiruhu hawada waa ay ku _____
3. dabku hawo la'aan ma _____

Wasakhowga hawada.




Waxa aynnu u baahan nahay in aynnu neefsanno hawo nadiif ah. Hawadu ma wasakhowdaa sida biyaha?

Layli

Walxahan kuwee ayaa hawada wasakheeya?

Walax	Wasakheeya hawada	Aan wasakheyn hawada.
Sigaar		
Cadar		
Biyo		
Baatuur		
Baaskiil		
Bakhu		

Waxyellada dabaysha.



Dabayshu wax dhibaato ah ma innoo geysataa?

Layli

1. Weli ma aragtay dhibaato ay dabayli keentay? Sheeg.
2. Siigada maxaa kiciya?
3. Waqtiga dabaysha badani jirto dhibaato ma dareentaa?
Wax ka sheeg.

Naqtiin "Waxyellada hawada".



Hawada caafimaadkeenna iyo hantid-eenna wax dhibaato ah ma u geysataa?


Layli

Erayadan mid walba meesha ku habboon ku buuxi.

filna, gubasho, naefsado.

1. Dabaysha xoogga lihi waxa ay dhallsaa — — — — —
2. Hawada wasakhaysani caafimaadka uma — — — — —
3. Hawada wasakhaysan lama — — — — —

Oogada dhulka.



Dhulka korkiisa oo dhammi ma isku midbaa?

Layli

1. Dhagaxaanta ma dhulka oogadiisa ayaa laga helaa?
2. Muuqaalka degmadiinu maxaa uu u badan yahay?
3. Sheeg saddex muuqaal oo dhulka oogadiisa laga helo.

Kala duwanaanta dhagaxaanta.



Dhagaxaanta dhulka korkiisa laga helaa ma isku wada midbaa? Maxaa ay ku kala duwan yihiin?

Layli

1. Dhagaxaanta immisa siyaabood ayaa aad ku kala sooci kartaa? Sheeg.
2. Midabkee ayaa ay u badan yihiin dhagaxaanta aad taqaanaa?
3. Dhagaxaantu ma kala jilicsan tahay? Maxaa aad ku kala garan kartaa?

Dhagaxda carro ma loo rogi karaa?






Dhulka waxa laga helaa carro iyo dhagax kala duwan.

Dhagaxda carro ma loo rogi karaa?

Layli

1. *Halka ayaa ay kula tahay in carradu ka timid?*
2. *Dhagaxda haddii la burburiyo ,maxaa ay noqotaa?*
3. *Sheeg laba siyood oo carrada dhagax loogu rogi karo.*

Dhumucda carrada.




Carro madowda, carro cadka iyo bataaxu waa ay kala xabbad weyn yihiin. Sidee ayaa aad ku hubin kartaa?

Layli

Carrooyinkan midde ayaa ugu xabbad weyn?

<i>Carro,</i>	<i>Ugu xabbad weyn,</i>	<i>Dhexdhexaad,</i>	<i>Ugu xabbad yar.</i>
<i>Carro - madow</i>			
<i>Carro-cad,</i>			
<i>Bataax.</i>			

Kala duwanaanta carrooyinka qoyan.




Carra-madowda, carra-cadda iyo bataaxa midkee ayaa ugu hor qallala marka la qooyo?

Layli

Carrooyinkan midkee ayaa ugu hor qallasha marka la qooyo?

<i>Carro,</i>	<i>Ugu hor - qallasha,</i>	<i>Dhexdhe-xaad,</i>	<i>Ugu-dambaysa.</i>
<i>Carro-madow.</i>			
<i>Carro cad.</i>			
<i>Bataax.</i>			

Biya haynta carrooyinka.




Carra-madowda, carra-cadda iyo bataaxa midkee ayaa biyaha muddo dheer hayn karta?

Layli

Carrooyinkan middee ayaa ugu biyo hayn dheer?

<i>Carro,</i>	<i>Ugu hayn-dheer.</i>	<i>Dhexdhe-xaad.</i>	<i>Ugu liidata.</i>
<i>Carra-madow</i>			
<i>Carra-cad</i>			
<i>Bataax.</i>			

Naqtiin "Kala duwanaanta carrada".




Carrada dhulka korkiisa laga helaa dhammaanteed ma isku wada midbaa?

Layli

1. Sheeg saddex siyood oo ay dhaga-xaantu ku kala duwan tahay.
2. Carrada midabkeedu ma isku wada midbaa?
3. Carra-madowda iyo bataaxda middee xabbad weyn?

Carrada guryo ayaa laga dhistaa.



Immisa siyood oo kala duwan ayaa aynnu carrada guryaha ugu dhisannaa?

Layli

1. Fasalkaaga dhismihiisa carro ma ku jirtaa? Tilmaan.
2. Carro la'aan guryaha ma la dhisi karaa?
3. Guriga dhagaxa ah dhismihiisa carro ma ku jirtaa?

Carrada qalab ayaa laga samaystaa.




Carrada immisa qalab oo kala duwan ayaa laga samaynsan karaa?

Layli

1. Sheeg nooca carrada ugu habboon in qalab laga samaysto.
2. Sheeg nooca ugu liita carrada in qalab laga samaysto.
3. Magacow saddex shay oo ka mid ah qalabka carrada laga samaysto iyo mid walba waxa lagu isticmaalo.

Xooluhu carro ayaa ay u baahan yihiin.



Carrada meel kasta laga helo miyaa la siiyaa xoolaha?

Layli

1. Carrada xoolaha oo dhan ma la siiyaa?
2. Marka xooluhu carro u baahdaan maxaa la yidhaahdaa?
3. Maxaa carrada xoolaha loo siiyaa?

Carrada waxbaa laga beertaa.



Carrooyinka ma isku si ayaa wax uga baxaan?

Layli

1. *Carrada bataaxda ah wax ma ka baxaan?*
2. *Carro cadka iyo carro-madowda mid-kee beeraha ku habboon?*
3. *Dhulka quruuruxa leh beerashada ma ku habboon yahay?*

Naqtiin "Waxtarka Carrada".




Carrada immisa siyood oo kala duwan ayaa looga faa'iideysan karaa?

Layli

1. *Sheeg saddex siyood oo carrada looga faa'iideysto.*
2. *Carro la'aan wax ma la beeran karaa?*
3. *Immisa nooc oo guryaha ka mid ah ayaa dhismahooda carro lagu isticmaalaa?*

**Qalab
Aqal soomaali**




Aqal soomaaliga maxaa aynnu ka dhisannaa?

Layli

1. *Magacow shan ka mid ah qalabka aqal soomaaliga laga sameeyo.*
2. *Hararka halkee aqal soomaaliga laga saaraa?*
3. *Udubka iyo loolku maxaa ay ku kala duwan yihiin?*

Waxtarka giraanta.



Giraanta siyaabo badan oo kala duwan ayaa aynnu uga faa'iideysannaa.

Layli

1. *Walxaha sida giraanta u samaysan iyo walxaha afar geeska ah midkee riixid-doodu fududahay?*
2. *Immisa siyood oo kala duwan ayaa deegaankiina giraanta looga faa'iideystaa?*
3. *Giraamuhu maxaa ay innoo taraan?*

Khafiyadda.




Khafiyaddu waxa ay innoo fududeysaa qaadidda walxaha culus.

Layli

1. Immisa siyood ayaa aynnu u isticmaalnaa khafiyadda?
2. Weligaa calan la saarayo ma aragtay? Maxaa la isticmaalaa?
3. Marka ceelasha biyaha lagala soo baxayo in khafiyad la isticmaalo iyo in gacanta la isticmaalo midkee habboon?

Qaaddooyinka.




Qaaddooyinka waxa loo isticmaalaa siyaabo kala duwan. Immisa nooc oo qaaddooyin ah ayaa aad taqaan?

Layli

1. Sheeg afar siyood oo qaaddooyinka loo isticmaalo.
2. Qaaddada qoriga ka samaysan ee miyiga wax looga cuno maxaa loo yaqaan?
3. Ku sawir buuggaaga saddex qaaddo oo kala duwan.

Koobabka.



Immisa siyaabood oo kala duwan ayaa koobabka loo isticmaalaa?

Layli

1. Sheeg laba siyood oo koobabka loo isticmaalo.
2. Koobabka jaandiga (macdanka) ah iyo kuwa quraaradda ka samaysan kuwée ayaa ku habboon in shaaha kulul lagu cabbo?
3. Sawir afar koob oo noocoodu kala duwan yahay.

Naqtiin "Qalab".



Qalabka kala duwan ee sawirradan ka muuqda mid walba maxaa uu innoo taraa?

Layli

Erayadan mid walba meesha ku habboon ku buuxi.

Qaadidda, Riixidda, Cabbo.

1. Khafiyadda waxa ay innoo fududeysaa kor u — walxaha culus.
2. Giraantu waxa ay sahashaa — walxaha culus.
3. Koobabka waxa loo isticmaalaa in wax lagu — .

Qalabka najaarrada.



Qalabka kore mid walba maxaa loo isticmaalaa?

Layli

Erayadan mid walba meesha ku habboon ku buuxi.

siibaa, gooyaa, garaacaa.

1. *Miinshaarta wax ayaa lagu —*
2. *Dubbada wax ayaa lagu —*
3. *Kelbadda wax ayaa lagu —*

Qalabka birtumidda.



Qalabka kor ku sawiran mid walba maxaa loo adeegsadaa?

Layli

Erayadan mid walba meesha ku habboon ku buuxi.

buufiyaa, tumaa, soofeeyaa.

1. *Dubbaha waxbaa lagu —*
2. *Soofaha waxbaa lagu —*
3. *Buufiyaha waxbaa lagu —*

Qalabka kabatolidda.




Qalab kala duwan ayaa loo adeegsada kaba tolidda.

Layli

Qalab,	jeexaa,	garaacaa	daloo- liyaa,	siibaa,
biinsc (kelbad)				
dubbe				
kabatole				
mindii.				

Qalabka dhartolidda.



Immisa qalab oo kala duwan ayaa loo isticmaalaa dhartolidda?

Layli

Qalabkan kuwee ayaa loo isticmaalaa dhartolidda?

Qalab,	dhartilodda loo isticmaalo,	Dhartolidda looma isticmaalo.
Maqas,		
Dubbe,		
Dun,		
Irbad,		
Miinshaar.		

Qalabka dhismaha.




Dhismahan immisa qalab oo kala duwan ayaa lagu isticmaalaa?

Layli

Qalabkan kee ayaa loo isticmaalaa dhismaha?

Qalab,	dhismaha waa looisticmaalaa	Dhismaha loo ma isticmaalo.
Majarafad,		
qaaddo (moqorof),		
irbad,		
fargas,		
sakeel		
qalin.		

Naqtiin "Qalabka farsamada".



Qalabkan mid walba farsamadee ayaa loo isticmaalaa?


Layli

Erayadan mid walba meesha ku habboon ku buuxi.

Dhismaha, Kabatolidda, Birtumidda.

1. Middida waxa lagu isticmaalaa —
2. Buufinta waxa loo adeegsadaa —
3. Majarafadda waxa lagu isticmaalaa —

Dhaqdhaqaaqa walxaha.




Immisa ayaa walxahan dhaqdhaqaaq samayn kara?

Layli

1. *Magacow afar walxood oo dhaqdhaqaaq samayn kara.*
2. *Shimbiraha iyo dhagxaanta kuwee ayaa dhaqdhaqaaq samayn kara?*
3. *Sawir saddex walxood oo dhaqdhaqaaq samayn kara iyo laba aan samayn karin.*

Awoodda dhaqdhaqaaqa walxaha.




walxaha kor ka muuqda kuwee iskood u dhaqaaqa? Kuweese la dhaqaajiya?

Layli

U kala saar walxahan k...wa la dhaqaajiyo iyo kuwa iskood u dhaqaaqa.

<i>Walxaha,</i>	<i>La dhaqaajiyo</i>	<i>Iskood u dhaqaaqa</i>
<i>Nin,</i>		
<i>Markab,</i>		
<i>Ri',</i>		
<i>Baaskillad</i>		
<i>Gaadhi-gacan,</i>		
<i>Bisad.</i>		

Walxaha hawada mara.




Walxaha kor ka muuqda kuwee iskood u duula? Kuweese la duuliyaa?

Layli

U kala saar walxahan kuwa hawada mara iyo kuwa aan marin.

Walax,	Hawada mara,	Hawada aan marin.
Balanbaalis		
Kalluun,		
Duqsi,		
Dameer,		
Diyaarad.		


Walxaha biyaha ku socda.



Layli

1. Geelu biyaha ma ku socdaa?
2. Looxu biyaha ma ku socdaa?
3. Weligaa ma aragtay walxo biyaha ku socda? Sawir.

Naqtiin "Dhaqdhaqaaq".




Dhammaan walxahani dhaqdhaqaaq ma samayn karaan?

Layli

Khaanadaha bannaan ku buuxi calaamadaha (✓) iyo (✗) midba ta ku habboon.

Walax.	Dhaqdhaqaaqi kara,	Ma dhaqdhaqaaqi karo.
Faras,		
Buur,		
Dayax,		
Dirxi,		
Aqal,		
Baabuur.		

Gaadiidka dhulka.




Gaadiidka dhulku faa'iidooyin badan ayaa uu innoo leeyahay. Maxaa aynnu u adeegsannaa gaadiidka dhulka?

Layli

Gaadiidkan kee ayaa ah gaadiidka dhulka?

Magaca gaadiidka,	gaadiidka dhulka,	Ma aha gaadiidka dhulka.
Faras,		
Markab,		
Baaskiil,		
Dayuurad.		
Awr.		

Gaadiidka biyaha.




Gaadiidka biyuhu faa'iido badan ayaa uu innoo leeyahay. Sheeg siyaabaha kala duwan ee aynnu u adeegsanno.

Layli

1. Maxaa aynnu u adeegsannaa gaadiidka biyaha?
2. Gaadiidka biyuhu maxaa uu kaga duwan yahay gaadiidka dhulka?
3. Sheeg hal sabab oo gaadiidka biyuhu kaga faa'iido badan yahay gaadiidka kale.

Gaadiidka cirka.



Gaadiidka cirku faa'iidooyin badan ayaa uu innoo leeyahay.

Maxaa ka mid ah faa'iidooyinkaas?



Layli

Ku buuxi erayadan mid walba meesha ku habboon.

duulaan, raaca, dheereeyaan.

1. Diyaaraduhu waa ay ka — gaadiidka kale.
2. Diyaaraduhu waa ay —
3. Diyaaradaha waa la —

Dhaqdhaqaaqa saacadda.



Saacaddu in ay shaqaynayso iyo in kale maxaa lagu gartaa?


Layli

Ku buuxi erayadan mid walba meesha ku habboon.

saacadda, dhaqdhaqaaqa, gacan.

1. Saacaddu waxa ay samaysaa —
2. Waqtiga waxa lagu cabbirtaa —
3. Birta yar ee saacadda sheegta waxa la yidhaahdaa —

Naqtiin "Gaadiidka".



Gaadiidkan mid walba halkee ayaa uu maraa?

Layli

Khaanadaha bannaan mid walba ku buuxi calaamadaha (✓) iyo (X) ta ku habboon.

Gaadiid,	Dhulkamara	Hawadamara	Biyahamara
Baabuur,			
Diyaarad,			
Doon,			
Huudhi,			
Baaskiil,			
Markab.			
Awr.			

ILays
Habeen



Habeenku maxaa uu kaga duwan yahay maalinta?

Layli

Ku buuxi erayadan meelaha bannaan seexdaa, habeenkii, Xiddigaha

- 1. Habeenkii waxa soo baxa ———.*
- 2. Cadda loolka waxaa la ciyaaraa ———.*
- 3. Habeenkii waa la ———.*

Qorraxda.




Qorraxdu waa kubbad gubanaysa.
Qorraxda iyo dayaxa midkee ayaa weyn?

Layli

Ku buuxi erayadan meelaha ku habboon Galbeed, maalintii, Bari

- 1. Qorraxda waxa la arkaa ———.*
- 2. Qorraxdu waxa ay ka soo baxdaa ———.*
- 3. Qorraxdu waxa ay u dhacdaa ———.*

Maalin



Maalintii maxaa aad qabataa?

Layli

1. Sheeg saddex shaqo oo aad maalintii qabato.
2. Salaadda cishaha ma habeenkii baa la tukadaa mise maalintii?
3. Goorma ayaa la cunaa hadhimada (qadada)?

Xiddigaha.



Xiddiguhu waa qorraxyo fog-fog.

Xiddigaha goorma ayaa aynnu aragnaa?


Layli

Erayadan ku buuxi mid walba meesha ku habboon

habeenkii, iftiin, fog

1. Xiddiguhu waa ay ka ——— yihiin qorraxda.
2. Xiddigaha waxa la arkaa ———.
3. Xiddiguhu waxa ay leeyihiin ———.

Dayaxa.



Muqaalka dayaxu had iyo jeer ma isku midbaa?

Layli

1. Dayaxa ma habeenkii oo keliya ayaa la arkaa?
2. Dayaxu marka uu cusub yahay maxaa loo yaqaan?
3. Habeenkii marka aanu dayaxu jirin maxaa loo yaqaan?

Naqtiin "Ilayska".





Iftiin la'aan wax ma arki karnaa?

Layli

Khaanadaha bannaan ku buuxi calaamadaha (✓) iyo (X) midba tan ku habboon.

Walax	waxa la arkaa maalintii	waxa la arkaa habeenkii	waxa la arkaa habeen iyo maalinba
Qorrax,			
Xiddigo			
Dayax.			

Ilaha Ilayska.



Ilayska waxa aynnu ka helnaa ilo kala duwan.


Ilahaas maxaa ka mid ah?

Layli

Khaanadaha bannaan ku buuxi erayada ku habboon.

<i>Walax</i>	<i>Ilays ka helno</i>	<i>Ilays kama lumo</i>
<i>Xiddigaha</i>		
<i>Dhagaxa</i>		
<i>Laambad</i>		
<i>Buug</i>		
<i>Dayax</i>		

Ilaha dabi'iga ah ee ilayska.




Waxyaabaha iftiinka laga helo dhammaan ma dadka ayaa sameeya?

Layli

Khaanadaha bannaan ku buuxi calaamadaha (✓) iyo (X) midba ta ku habboon.

<i>Walax</i>	<i>waa dabiici</i>	<i>Dabiici ma aha</i>
<i>Xiddigo</i>		
<i>Faynuus</i>		
<i>Nal</i>		
<i>Qorrax</i>		
<i>Dayax</i>		
<i>Dab</i>		

Ilaha ilayska ee dadsameega ah.



*Ilaha ilayska ee kor ka muuqdaa dham-
maantood waa dad samee.*

Layli

*Khaanadaha bannaan ku buuxi erayada
ku habboon*

<i>Walax</i>	<i>dadsamee</i>	<i>Dabiici</i>
<i>Dayax</i>		
<i>Faynuus</i>		
<i>Qorrax</i>		
<i>Laambad</i>		
<i>Xiddigo</i>		

Waxterka ilayska.




Ilayska ma laga maarmi karaa?

Layli

*Ku buuxi erayadan meesha ku habboon
Ma habboona, ilayska, nal*

- 1. baabuurta waxa ay habeenkii ku soc-
daan ———.*
- 2. Meel mugdi ah in wax lagu akhristaa
———.*
- 3. Maalintii waxa aynnu ——— ka helnaa
qorraxda.*

Wa cyeellada ilayska.



Ilaysku wax dhibaato ah ma leeyahay?
Layli

1. Qorraxda in la fiirsho ma habboon tahay?
2. Qorraxdu marka ay dhacayso iyo duhurkli midkee ayaa ay aad u xun tahay in la fiirsho?
3. Ma taqaan ilays kale oo fiirintiisu dhibaato leeyahay?

Waxyaabaha la shito.




Ilahan ilaysku maxaa ay u baahan yihiin si ay u shidmaan?

Layli

Khaanadaha bannaan ku buuxi calaamadaha (✓) iyo (X) midba tan ku habboon.

Ilo ilays	Gaas	Baytari	Koronto
Faynuus,			
Nal,			
Laambad,			
Toosh			
Tiriig			

"Naqtiin" Ilaha ilayska




Ilays la'aan wax ma arki karnaa?

Layli

1. Magacow shan waxyaabood oo aan iftiin ka helno.
2. Qorraxda iyo nalka midkee ayaa dabi-ici ah, midkee ayaase dadsamee ah?
3. sawir afar waxyaabood oo laga helo iftiin.

Samaysanka hadhka.




Haddii aan ilays jirin hadh ma samaysmaa?

Layli

1. Mugdiga iyo ilayska, midkee ayaa aad hadhkaaga aragtaa?
2. Habeen cadda ah hadhkaaga ma aragtaa? Waayo.
3. HabeenGudcur(mugdi) ah hadhkaaga ma aragtaa? Waa maxay sababtu?

Qaabka hadhka.




Walax kasta qaabka hadhkeedu ma u eg yahay qaabka walax da?

Layli

1. Walax kasta qaabka hadhkeedu sidee ayaa uu u eg yahay?
2. Haddii qofku laba gacmood leeyahay. Immisa gacmood ayaa ka muuqanaysa hadhkiisa?
3. Qaabka hadhka dameerku ma u eg yahay qaab dameer?

Dhaqdhaqaaqa hadhka.



Haddii uu qofku dhaqaaqo, hadhkiisuna ma la dhaqaaqa?

Layli

Ku buuxi erayadan meesha ku habboon Subaxii, Duhurkii, Galabtii, Hadhkiisuna sameeyaa.

1. Dhaqdhaqaaqa qofku sameeyo ayaa uu _____.
2. Hadhku waxa uu dheer yahay _____ iyo _____.
3. Hadhku waxa uu ugu gaaban yahay _____.

Waxtarka hadhka.




Hadhku wax faa'iido ah ma innoo eeyahay?

Layli

1. Marka qorraxdu kulushahay maxaa aynnu dallaayadda u qaadanaa?
2. Sheeg dhowr waxyaabood oo aynnu hadhsanno.
3. Maalintii iyo habeenkii midkee ayaa aynnu wax hadhsannaa?

Naqtiin "Hadhka".




Saca iyo riyaha midkee ayaa uu hach'koodu muuqdaa?

Layli

1. Waqtiga iftiinka ah iyo waqtiga mugdiga ah midkee ayaa hadhka la arkaa?
2. Dhinaca hadhku ku samaysmo iyo qorraxdu isku dhinac ma noqon karaan?
3. Gacantaada hadhkeeda ku sawir warqad ballaadhan.

Kul
Ilaha kulka




Halkee ayaa aynnu ka helnaa kulka aynnu u baahan nahay?

Layli

1. Magacow laba waxyaabood oo aan kulayi ka helno.
2. Habeenkii iyo maalintii midkee ayaa kulul? Sheeg sababta.
3. Haddii aad labadaada gacmood isku xoqdid oo aad dhabankaaga saartid maxaa aad dareentaa?

Ilaha kulka ee dabiiciga-ah




Labadan dhar midkee hor qallalaya?
Waa maxay sababtu?

Layli

Ku buuxi erayadan mid walba meesha ku habboon Dabiici, Qorraxda, Kul.

1. Qorrada waxa aynnu ka helnaa ———.
2. Kulka qorraxdu waa ———.
3. Kulka ——— dharka ayaa aynnu ku qallajisanaa.

Ilaha kulka ee dadsameega ah



Kulka oo dhan ma waxa aynnu ka helnaa qorraxda?


Layli

Erayadan mid walba meesha ku habboon ku buuxi

In la shido, Dadsamee, Kulayl.

1. Dabka waxa aynnu ka helnaa _____
2. Dabku waxa uu u baahan yahay _____
3. Kulaylka dabku waa _____

Waxyaabaha la shito




Maxaa degaankiinna laga shitaa si kul loo helo?

Layli

Khaanadaha bannaan ku buuxi calaamadaha (✓) iyo (X) midba tan ku habboon.

<i>Walax,</i>	<i>La shito,</i>	<i>Lama shito.</i>
<i>Qoryaha,</i>		
<i>Gaas,</i>		
<i>Caano,</i>		
<i>Koronto,</i>		
<i>Biyo,</i>		
<i>Dhuxul.</i>		

Kul gudbinta.



Waixuhu ma isku si ayaa ay kulka u gudbiyaan?


Layli

Erayadan mid waiba meesha ku habboon ku buuxi

ayaa ay, uma, kulka

1. Waixuhu waa ay ku kala duwan yihiin gudbinta ———.
2. Biruhu si fiican ——— u gudbiyaan kulka.
3. Qoryuhu si fiican ——— gudbiyaan kulka.

"Naqtiin" Kulka




Kulayl la'aan ma noolaan karnaa?

Layli

Khaanadana bannaan ku buuxi calaamadaha (✓) iyo (X) midba tan ku habboon.

Walax,	Kul ayaa laga helaa	Kul lagama helo.
Qorrax,		
Dayax,		
Dab,		
Koronto,		
Biyo,		

Kululaynta biyaha



Maxaa ku dhaca hoorka marka dab la saaro?


Layli

Erayadan mid walba meesha ku habboon ku buuxi

kululaadaan, karaan, uumi baxaan

1. *Marka biyaha dab la saaro waa ay ———.*
2. *Biyaha marka aad loo kululeeyo waa ay ———.*
3. *Biyaha marka kululaynta laga badiyo waa ay ———.*

Gubashada qoryaha.



Qoryaha marka la gubo maxaa ku dhaca?


Layli

Erayadan mid walba meesha ku habboon ku buuxi

dhuxul, dab, qoryo, dambas.

1. *Qoryaha waxa lagu shidaa ———.*
2. *Gubashadu qoryaha waxa ay u rogtaa ——— iyo ———.*
3. *Dhuxusha waxa laga helaa ——— la gubay.*

Kulka wax ayaa uu jilciyaa



Waxyaabaha kulku jilciyo maxaa ka mid ah?

Layli

Ereyadan mid wa'ba meesha ku habboon ku buuxi


kariyaa, jilciyaa, dab

1. Kulku waxyaabaha adag waa uu ———

2. Cuntada waxaa loo ——— si ay u jilicdo.

3. Birta marka la tumayo waxa lagu jilciyaa ———.

Waxtarka kulka.



Immisa siyaabood ayaa aynnu dabka uga faa'iideysannaa?


Layli

1. Sheeg afar siyaabood oo aynnu dabka uga faa'iideysanno.

2. Kulka aan u baahan nahay oo dhan ma dabka ayaa aan ka helnaa?

3. Kul la'aan ma noolaan karaa?

Isticmaal xumida kulka.



Kulku wax dhibaato ah ma innoo leeyahay?


Layli

Erayadan mid walba meesha ku habboon ku buuxi

dhibaato, dhimasho, habboona.

1. Dabka haddii si xun loo isticmaalo ———
— ayaa uu keeni karaa.
2. Dabka in lagu ciyaaraa ma ———.
3. Kulku waxa uu keeni karaa ———.

“Naqtiin” Kulku isbeddel ayaa uu keenaa.







Waxyaabahan mid kasta sidee ayaa uu kulku u beddelaa?

Layli

Khaanadaha bannaan ku buuxi calaamadaha (✓) iyo (X) midba tan ku habboon.

Walax,	Dhalaalaa,	Uumibaxaa,	Gubtaa,	Jilcaa.
Biyo,				
Burcad				
Waraaq				
Bir,				

Jabaq
Aqoonsiga jabaqa.



Jabaqyo kala duwan ayaa aynnu aga-gaarkeenna ka maqalnaa. Maxaa sameeya jabaqaha?

Layli

- 1. Sheeg laba noole oo jabaq sameeya.*
- 2. Sawir afar ma-noole oo jabaq laga dhaliyo.*

Waxtarka jabaqda.



Maxaa ay jabaqdu inoo tartaa?


Layli

Erayadan mid walba meesha ku habboon ku buuxi

dhibaato, hadalka, dhegoolka.

- 1. Hadal la'aantu waa ———.*
- 2. ——— waa aynnu isku afgarannaa.*
- 3. Qofka ——— ah hadal wax looguma sheego.*

Xubnaha hadalka iyo maqaalka ee qofka.



Afka iyo dheghu maxaa ay innoo taraan?




Layli

Erayadan mid walba meesha ku habboon ku buuxi

hadalnaa, karo, maqalnaa.

- 1. Afka waa aynnu ku ———.*
- 2. Dhegaha wax ayaa aynnu ku ———.*
- 3. Dhego la'aan waxba lama maqli ———.*

Codadka xayawaanka.




Xayawaannadani jabaqda ay sameeyaan ma isku midbaa?

Layli

- 1. Sheeg saddex xayawaan oo aad maalin walba maqashid codkooda.*
- 2. Immisa jabaqood oo kala duwan ayaa aad samayn kartaa?*
- 3. Sheeg xayawaanka aad codkiisa ugu jeceshahay iyo midka aad codkiisa ugu neceb tahay.*

Qalabka muusikada.



Qalabka sare mid walba maxaa loo isticmaalaa?



Layli

Erayadan mid walba meesha ku habboon ku buuxi

siidhiga, afuufaa, garaacaa.

1. Kamanka waa la ———.
2. ——— waa la afuufaa.
3. Turumbada waa la ———.

Naqtiin "Jabaq".



Maalin walba waxa aynu maqalnaa jabaqyo kala duwan.


Maqalka ma ku kala sooci kartaa jabaqahaas?

Layli

1. Magacow shan walxood oo jabaq sameeya.
2. Jabaqdu waxtar ma u leedahay xaya-waanka? Wax ka sheeg.
3. Sawir saddex walxood oo ka mid ah qalabka muusikada.





Naqtiin guud

Fiiri sawirradan hoose
Sharax mid walba waxa uu tilmaamayo.



Naqtiin guud

Fiiri sawirradan hoose.
Sharax mid walba waxa uu tilmaamayo.



Qorayaasha Buugga.

1. *Cumar Jaamac Maxamed*
2. *Rashiid Ismaaciil Xuseen*
3. *Axmed Ibraahim Kooshin (Xiis)*
4. *Yaasiin Cismaan Dhinbiil*
5. *Maryan Xaashi Cawaale*

Sawirayaasha Buugga.

1. *Cabdulqaar Cali Xasan*
2. *Ibraahim Maxamed Cismaan*
3. *Maxamed Sh. Cumar Maxamed (Joon)*
4. *Bashiir Cali Axmed*
5. *Xaawo Amiin Cali*
6. *Jim Goodall*

Xiriiriyaha Madbacadda iyo X. H. Manaahijta.

1. *Ismaaciil Cali Sarreeye*

Waxaa kaloo mahad gaar ahaaneed leh Kooxda Farsamada ee Xafiiska UNESCO u qaabilsan talo bixinta waxbarashada Soomaaliyeed iyo habeyayaasha Buggaan daabacaadiisa labaad oo kala ah:

- | | | |
|----|-----------------------------------|---------------|
| 1. | SACIID AXMED XUSEEN (Bafo) | LAYOUT |
| 2. | MAXAMED CALI SH. SACIID | " |
| 3. | CABDULLAAHI MAXAMED GACAL | " |

LA TALIIYAHA:

G. RETAMAL
UNESCO EDUCATIONAL ADVISER

**THIS MATERIAL WAS RE-EDITED AND RE-WRITTEN
BY THE UNESCO TEAM E.D.C.**



United Nations Educational, Scientific
and Cultural Organization



MAHADNAQ

*Waxaa mahad leh Hay'adda UNESCO-UNICEF, oo soo
abaabushay diyaarinta iyo daabacaada labaad ee Buuggaan, iyo
Hay'addaha kale sida:*

**AFRICAN DEVELOPMENT BANK
ADRA SOMALIA
AMURT
CARE (KENYA)
CARITAS ITALIANA
CISP
CONCERN
DIAKONIE CARITAS
HISAN
INTERNATIONAL AID (SWEDEN)
IRRES
ITALIAN ARMED FORCES
KAMAR JASIRA
NORWEGIAN CHURCH AID
RADDA BARNEN (YEMEN)
TROCAIRE
UNHCR (HARGEISA)
WATER FOR LIFE
UNESCO NATIONAL COMMISSION GERMANY
iyo
WEP**

oo gacan weyn ka geystay soo saaridda Buuggaan.

Maarso 1994

